



Zmaja od Bosne 47b,  
71000 Sarajevo,  
Bosna i Hercegovina



T ++ 387 (33) 72 14 00  
F ++ 387 (33) 66 88 11



E [agencija@fba.ba](mailto:agencija@fba.ba)  
W [www.fba.ba](http://www.fba.ba)



BOSNA I HERCEGOVINA  
FEDERACIJA BOSNE I HERCEGOVINE  
AGENCIJA ZA BANKARSTVO  
FEDERACIJE BOSNE I HERCEGOVINE

Broj: 05-2613-6/18  
Sarajevo, 31. 12. 2018. godine

Na osnovu člana 69. stav (2) tačka d) i člana 70. stav (4) Zakona o javnim nabavkama („Službeni glasnik BiH“ broj 39/14, u nastavku: Zakon), član 8. stav 2. tačka d) Pravilnika o uspostavljanju i radu Komisije za nabavke („Službeni glasnik BiH“, broj 103/14), na preporuku Komisije za nabavke iz Zapisnika o pregledu i ocjeni ponuda, broj: 05-2613-5/18 od 28. 12. 2018. godine i člana 16. Statuta Agencije za bankarstvo Federacije BiH („Službene novine Federacije BiH“, broj 3/18), u postupku javne nabavke putničkog motornog vozila, direktor Agencije za bankarstvo Federacija BiH donio je

## ODLUKU o poništenju postupka javne nabavke roba

### I.

Poništava se postupak javne nabavke putničkog motornog vozila za potrebe Agencije za bankarstvo Federacije BiH, s obzirom da je jedna pristigla ponuda po ovom predmetu nabavke od strane ponuđača „Inter Auto“ ocijenjena kao neprihvatljiva za ugovorni organ.

### II.

Ponuda ponuđača „Inter Auto“ d.o.o. Tuzla, odbijaja se kao neprihvatljiva.

### III.

U skladu s člankom 70. stavkom (6) Zakona, Agencija za bankarstvo Federacije BiH objavit će ovu odluku na svojoj internetskoj stranici: [www.fba.ba](http://www.fba.ba), istovremeno s upućivanjem iste ponuđaču koji je sudjelovao u ovom postupku.

## OBRAZLOŽENJE

Odlukom o pokretanju postupka javne nabavke putničkog motornog vozila, broj: 05-2613/18 od 02. 07. 2018. godine, odobreno je provođenje postupka nabavke predmetne robe za potrebe Agencije za bankarstvo Federacije BiH (u nastavku: ugovorni organ). Predmetna nabavka provedena je putem otvorenog postupka javne nabavke, a kao kriterij za dodjelu ugovora odabrana je najniža cijena tehnički prihvatljive ponude.

U skladu s članom 35. Zakona, Obavještenje o nabavci broj: 3010-1-1-208-3-36/18 objavljeno je na Portalu javnih nabavki, dana 05. 07. 2018. godine.

U skladu s odredbama Zakona i procedurama ugovornog organa, posebnom odlukom imenovana je komisija za javne nabavke, kojom su definisane njene nadležnosti koje uključuju poslove otvaranja, pregleda i ocjene ponuda, te davanje preporuke za odabir najpovoljnije ponude.

Slijedom navedenog, komisija je u okviru svojih nadležnosti i ovlaštenja provela predmetni postupak nabavke, te o tome sačinila Zapisnike o pregledu i ocjeni ponude, u kojima je utvrđeno da se jedina



pristigla ponuda od strane ponuđača "Inter Auto" d.o.o. Tuzla, u pogledu ispunjavanja zadanih kvalifikacijskih uslova i cjenovnih uslova nadmetanja, odbija kao neprihvatljiva za ugovorni organ.

Na osnovu izvršene analize i ocjene pristigle ponude u pogledu kvalifikacijskih i cjenovnih uslova nadmetanja, u ponudi ponuđača "Inter Auto" d.o.o. Tuzla, komisija je evidentirala slijedeće nepravilnosti:

- Nije ispunio minimalne uslove za kvalifikaciju navedene u poglavlju III. (Uslovi za kvalifikaciju ponuđača), tačka 3.3. (Ekonomska i finansijska sposobnost – član 47. Zakona o javnim nabavkama) Tenderske dokumentacije (u nastavku: TD), s obzirom na to da isti nije dostavio izvještaj o svim otvorenim računima koji izdaje Centralna banka na način predviđen TD, niti je dostavio Potvrdu izdatu od strane banke da „glavni račun“ privrednog subjekta nije bio blokiran zadnjih 12 (dvanaest) mjeseci od dana objave Obavještenja o nabavci (05. 07. 2018. godine). Naime, ponuđač je dostavio Potvrdu od strane banke s datumom izdavanja na dan 10. 07. 2018. godine, u kojoj stoji da njegov račun nije blokiran zadnjih 12 (dvanaest) mjeseci, što nije usklađeno sa zadanim uslovima iz TD, kojim je traženo da Potvrda mora biti izdana od banke sa navodima da glavni račun ponuđača nije bio blokiran zadnjih (12) dvanaest mjeseci od datuma objave Obavještenja o nabavci. U vezi s navedenim komisija je konstatovala da navedeni ponuđač nije ispunio zadane uslove iz tačke 3. TD – Ekonomska i finansijska sposobnost ponuđača, odnosno člana 47. Zakona.

Slijedom navedenog, komisija je u Zapisniku o pregledu i ocjeni ponuda predložila da se u skladu s odredbama člana 68. stav (1) Zakona ponuda navedenog ponuđača odbije kao neprihvatljiva, obzirom da ista nije u cijelosti ispunila zadane uslove za kvalifikaciju navedene u TD, te dala preporuku da se u skladu s odredbama člana 69. stavom (2) tačkom d) Zakona predmetni postupak javne nabavke poništi.

Uvažavajući sve navedeno, odlučeno je kao u dispozitivu ove odluke.

#### **POUKA O PRAVNOM LIJEKU:**

Protiv ove odluke može se izjaviti žalba Ugovornom organu – Agenciji za bankarstvo Federacije BiH, najkasnije u roku od 10 (deset) dana od dana prijema ove odluke, saglasno članu 97. i 101. Zakona. Žalba se izjavljuje Uredu za razmatranje žalbi/Kancelariji za razmatranje žalbi – Filijala/Podružnica Mostar, putem ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.



Dostaviti:

- učesniku u postupku "Inter Auto" d.o.o. Tuzla
- a.a.

